

Konkomba - Agape Uwumbor Aagbañ - God's Love Letter Scriptures

Jənn 15:9 Nte Uwumbor aah gee mi pu na, kina le m mu gee nimi. Ni li beenin ye maah gee bi na.

Aisaya 43:1 Israel yaab, Uwumbor u naan nimi na bui ke, "Taa san ijawaan man, m ga gaa nimi lii. Min le tii nimi liyimbil, ni ye maanib la.

Jeremia 1:5 "M nan nyan si waahr le ki nin tii si limofal, le waahr aan bi nin ma si na, m nan lee si ke aa li ye maabonabr tii njitimbol."

Jənn 15:16 Nimi le aa lee mi. Min le lee nimi, ki siin ke ni li ḥjani tnyoor ti ga li bi n-yoonn mu kaa kpa ndoon na, ke ni yaa mee Nte Uwumbor tiwan maayimbil pu kan, u ga tii nimi.

3 Jənn 1:2 Njøgeehn, m mee Uwumbor tii si, ke aa li kpa laafee, ki kani tnyoor, ke saawiin aah kpa tnyoor Uwumbor chee pu na.

Aisaya 43:4 M ga di njitimbol momok pa ki gaa nimi lii, ba pu? ni ye liwangol le m chee, le m gee nimi, ki tii nimi kipak.

Jeremia 31:3 m nan nya dandar ki dan bi chee. Israel aanib, m gee nimi n-yoonn momok, le ki ga li mok nimi maageehm mu bi n-yoonn momok na.

Hosea 11:8 "Israel, m ga ḥja kinye ki di si lii? M ga ḥja kinye ki di si mee? M ga ḥjamaa kuln si ke maah nan bii Adma aatiq pu na aa? M ga ḥjamaa ḥja si ke maah nan ḥja Seboim aatiq pu na aa? Nsui aan cha m ḥja si kina, ba pu? m gee si sakpen a.

Jənn 3:16 Uwumbor aah gee dulnyaa aanib sakpen pu na, nima le u di Ujapɔnbaal tii ni ke unii umok gaa u ki kii na taa kpo, u li kpa limofal li kaa kpa ndoon na.

Aisaya 49:15,16 Le Uwumbor gar ke, "Upii ga ḥjamaa sunn waabo bɔr, kaan li gee ubo u u ma na aa? Hali upii yaa sunn waabo bɔr kan, mma aan sunn ni bɔr. 16 Jerusalem, maan ḥjamaa sunn nibɔr. M ḥjmee nimi aayimbil paan ḥjaaal pu.

Aisaya 41:13 Min le ye Nidindaan Uwumbor; M poɔk nitaakpab ki bui ke, 'Taa san ijawaan man; m ga ter nimi.' "

Luk 12:32 "Maanib bi bi siib na, ni taa san ijawaan man. Nite Uwumbor le ban ke u tii nimi nnaan. Waageehn le na.

Matiu 28:20 ki tuk bi ke bi li keei maah tuk nimi pu na momok. Teer man ke m bi ni chee n-yoonn momok, ki nan saa dulnyaa aadoon."

Jənn 14:1 "Ni taa cha ilandak li muk nimi. Ni gaa Uwumbor ki kii man, ki gaa m

mu ki kii man.

Aisaya 41:14 Uwumbor bui ke, "Israel yaab, naah par kaa ki kpa mpooon mu pu na, taa san man ijawaan, m ga ter nimi. Min, Israel yaab Aawumbor u bi chain na, min le ye u gaal nimi lir na.

Aisaya 43:2 Ni yaa chuun nnyun mu nyoo na ni kan, m ga li bi ni chee; nimi aafalaa aan nyaŋ nimi. Ni yaa koo mmii ni kan, mu aan see nimi; ntɔŋ mumɔk choo ni chee ki pɔɔ na aan nyaŋ nimi,

Ilahn 23:1-6 Uwumbor le ye u joo mi ke upihdaan aah joo waapiih pu na; m kpa maah ban tiwan nimɔk na. 2 U tii mi lifuur timosɔnn aah bi nin chee na, ki mɔk mi uyayak aanyun mu soon na chee. 3 U tii mi limɔfapɔln, le ki mɔk mi isan i ḥjan na, waah nan puu pu na. 4 Uwumbor, m yaa chuun mbɔmbɔɔn sakpen ni kan, maan san ijawaan, ba pu? aa bi m chee.

Saapihkpaajaangbeek ni lichakukul le kii mi. 5 Aa gor tijikaar ti wiir na siin mi, maadim mɔmɔk aanimbil ni; aa gaa mi ke uchanyuun na ki cha maayikuuk gbiin ki ti bar kpir. 6 M nyi ke aa ga li gee mi, ki ḥjani mi tijann, ki ti saa maakundaal; le saadichal ga li ye ndo maamɔfal ni ki ti saa maakundaal.

Jonn 14:27 "M tii nimi nsuudoon la. Maah kpa nsuudoon pu na, kina le m tii nimi. Dulnyaa aawan aa ḥjmaa tii nimi nsuudoon ke maah tii nimi pu na. Ni taa cha ilandak li muk nimi, ki taa san ijawaan man.

Filipi Yaab 4:7 Ni yaa ḥjani kina kan, Uwumbor ga tii nimi nsuudoon mu jer taah nyi pu na. Nisui, ni nimi aalandak ga doon; ba pu? ni kpaan Yesu Kristo chee.

Diyataŋjak 3:24 Aa yaa cha aa ti doon geen kan, saan li san ijawaan, le aa ga geen mbamɔm.

Ilahn 4:8 M yaa doon kan, le m geen suuna; Uwumbor, sin baanja le kii mi mbamɔm.

Ilahn 33:18 Uwumbor lik binib bi keei waamɔb ki tii waageehm mu bi n-yoonn mɔmɔk na naadii na pu la.

Rom Yaab 5:2 Yesu Kristo pu, le Uwumbor len ke timi aabor ḥjan. Le ti moɔni ki kpa limaki ke ti ga yakr u chee Uwumbor aamɔɔn.

Aisaya 55:12 "Ni ga di mpopiin le ki di nya Babilon aatiŋ ni; bi ga cheen nimi nya kitin ngbaan ni, ni mpopiin la. Le ḥnjoo ni ḥnjongon ga teen ilahn lii; isui mu ga di mpopiin teen mpooon pu.

Jonn 16:22 Ni bi kina le ni mu chee. Dandana, ni kpa mpombiin la. M ni nimi ga nan ki kan tɔb, le ni ga li kpa mpopiin. Ubaa aan ḥjmaa nyan mpopiin ngbaan nisui ni.

Luk 12:9 Unii umɔk len binib aanimbil ni ke waa ye miyoo na, m mu ga len Uwumbor aatuuntiib aanimbil ni ke udaan ngbaan aa ye miyoo.

Matiu 10:30 Uwumbor nyi nimi aayikpir aakahm.

Aisaya 54:10 Nibaakan njoo ni njigongan ga wur lir, le maageehm mu m kpa tii si na aan doo; maah puu tipuul ke m ga tii si nsuudoon na, m ga li beenin joo ti." Kina le Uwumbor u gee si na len.

Matiu 11:28-30 "Nimi bimok tun lituln ki ti bak na, dan m chee man, le m ga tii nimi lifuur. 29 Gaa maatuln man, ki bae mbaem m chee; m bi suuna, ki sunn mbaa taab. Ni ga kan lifuur; 30 ba pu? maamokm aa poc. Maatuln mu aa nyuun."

Solomonn Aalahn 2:10 Mbocen len m chee tibor.

Hosea 2:14,19,20 Kina pu na, m ga ki giin u buen nteersakpiin ni, nima chee le m ga ti ki di tibombor gaa u. 19 Israel, m ga di si ja mpuu, maan nya aapuwob, ki ga li bi mbamom aa chee; m ga mok si ngeehm mu bi n-yoonn momok na, ni kinimbaak, ki cha aa li ye min yoo ki ti saa n-yoonn mu kaa kpa ndoon na. 20 M ga li joo maapuul ki cha aa li ye min yoo, ki cha aa bee ke min le ye Uwumbor.

Nnyam 3:14 Le Uwumbor bui u ke, "M ye maah ye u na la. Aa tuk bi ke 'Baah yin u ke M-ye-na le tun ni si.' (Israel yaab aaliin ponn ni, bi yin Uwumbor ke "Yahweh." Yahweh aataaa le ye ke "U-ye-na.")

2 Korint Yaab 11:2 M gee nimi sakpen ke Uwumbor aah gee nimi pu na. Ni bi ke usapcon u kaa nyi uja na aah bi pu na, le m ban m di nimi tii Kristo, ni li dii uma baanja.

Hosea 13:4 Maan nyan binib ngbaan nkun ni, kaan nyan bi nkun aapcon ni. Nkun, li joo ni saabiil. Kitekpiitiq, li joo ni saabiil. Maan ki san binib bimina kinimbaak.

Jonn 15:14 Ni yaa jani maah tuk nimi pu na kan, ni ye njotiib la.

Jonn 14:6 Le Yesu bui u, "Min le ye nsan ngbaan, ni mbamom, ni limofal. Ubaa aan dan Nte Uwumbor chee, see u dii mi.

Tibokpiirkaan 3:20 Li pel man, m si mbisamob chee ki kpaar jaaleq. Unii umok jun maaneel ki piir tii mi na, m ga koo ni u chee, ki nan ji u chee tijikaar, u mu ga ji m chee.

Pastor T. John Franklin
Church of Salvation, Healing, and Deliverance
COS-HAD.org